

Presidente Fundacion Dominicano Juan Pablo Duarte, Winston Tavaréz

Ta importante pa tur Dominicano residencia na Aruba registra na nan fundacion



Presidente di Fundacion Dominicano Winston Tavaréz mustrandó e t-shirt

ORANJESTAD – Fundacion Dominicano Arubano Juan Pablo Duarte ta un organisacion cu ta traha na bienestar di e comunidad Dominicano. Presidente di e fundacion Winston Tavaréz a indica cu nan ta bay implementa un sistema di seguro pa cubri e necesidad di e Dominicanonan den caso cu nan fayece pa un of otro motibo y mester transporta nan pa exterior. Esaki ta kita e necesidad pa e personanan aki ta bay pidi donacion na momento cu un persona di nacionalidad Dominicano ta envolvi den un accidente. Na mes momento nan ta organisando un celebracion grandi pa e comunidad Dominicano.

INDEPENDENCIA

Dia 27 di februari ta Dia di Independencia di Republica Dominicana. Riba e dia aki tin un actividad na Consulado Dominicano y anochi Fundacion Juan Pablo Duarte tin un actividad na hotel RIU. Durante e evento aki ta bay haci diferente presentacion den cuadro di e dia di independencia di e pais. E evento na RIU ta tuma luga di 7 pa 9 di anochi y tur hende cu kier coopera por haci esaki tambe.

ACTIVIDAD

Den cuadro di e dia di independencia ta bay tin diferente

actividad cu ta tuma luga. Tavaréz a indica cu tin diferente bandera di Republica Dominicana obtenibel cu tur hende por core cun'e riba e dia di independencia aki riba nan auto. Na mes momento e organisacion a traha un t-shirt cu e emblemanan di Republica Dominicana y ta bende esaki na 15 florin pa por recauda fondo pa e organisacion por traha na bienestar di e comunidad.

BICENTENARIO

E aña aki ta e aña di bicentenario di natalicio di Juan Pablo Duarte. E aña aki te cu december ta conmemora e bicentenario aki. ta pidi e comunidad Dominicano pa muestra su simbolo patrio y duna cooperacion cu e fundacion. E organisacion dominicano ta pidi henter e comunidad pa duna nan sosten na e fundacion, pa por sigui organisa e actividadnan. E consulado Dominicano ta bay duna cooperacion den e actividad di 27 di februari, pero tin mester mas necesidad pa organisa e evento nan aki. Personanan cu ta miembro di e organisacion Dominicano ta registra caba, pero ta bon si nan pro registra di antemano. E actividad na RIU ta completamente gratis y tur hende cu ta di e comunidad. Riba e dia aki tin diferente actividad cu ta bay hiba palabra y ta un

actividad pa muestra e colonia Dominicano cu nan t'ey pa yuda nan tambe.

META

E meta principal di e actividadnan ta pa integra e comunidad dominicano pa bira miembro di e organisacion. Esaki ta pa haya un bista tambe di e cantidad di hende di nacionalidad dominicano cu ta biba aki nan y pa yuda nan na momento cu tin mester di necesidad pa manda un persona cu a fayece den exterior of cu mester di sosten na Aruba mes di cualkier indole. Tavaréz ta spera cu e colonia dominicano di cualkier status cu nan ta, registra na nan organisacion. □



Presidente di e Fundacion Dominicano cu miembronan di e fundacion.

ATENCION

CAP Compania Arubano di Petroleo N.V. ta informa publico en general cu e compania REPSOL lo haci un investigacion di exploracion sismico den lama rond di Aruba.

- E exploracion sismico aki ta tuma luga den cumplimiento di un contract entre REPSOL y CAP a base di articulo 3 y 4 di e "Petroleumverordening zeegebied Aruba".
- E investigacion sismico lo cuminsa dia 15 di februari 2013 y lo dura mas of menos 40 dia.
- E barco sismico SR/V VANTAGE lo rastra un kabel cu un largura di 6 kilometer pa 9 kilometer y un diameter di 6 centimeter na un profundidad di 8 meter pa 10 meter bao di awa.
- Dos otro barco di apoyo OMS RESOLUTION y ELIZABETH-C lo duna sosten logistico na e operacionnan di e investigacion y lo mantene comunicacion cu barconan den e area.
- Tur actividad lo ta na un distancia di mas di 3 kilometer for di costa.
- CAP N.V. ta haci un peticion na tur doño di barco pa coopera pa e investigacion por tuma luga na un forma sigur y adecuado.

CAP Compania Arubano di Petroleo N.V. brings to the attention of the public in general that the company REPSOL will be conducting a seismic exploration survey offshore Aruba.

- This seismic survey is conducted in fulfillment of a contract between REPSOL and CAP in accordance with articles 3 and 4 of the Petroleum Ordinance offshore Aruba.
- The seismic survey will start the 15th of February 2013 and will have a duration of 40 days approximately.
- The seismic vessel SR/V VANTAGE will tow a submarine cable of 6 – 9 kilometers with a diameter of 6 centimeter at a depth of 8 - 10 meters below sealevel.
- Two support vessels OMS RESOLUTION and ELIZABETH-C will give logistical assistance to the operations during the seismic survey and will maintain communications with other ships in the area.
- All seismic acquisition will be conducted at a distance of more than 3 kilometer from the coast.
- CAP N.V. requests the co-operation of boat owners in order to ensure that the survey is conducted in a safe and proper manner.

